

校正 奧田

字校

史記評林

列傳自第五十二百十一之
至第五十六百十六

				漢書門
		一六		
五	一	一	三	
〇	四	六	九	類
冊	架	函	號	

內閣文庫			
毛		一	漢
九		六	
函		三	書
一	五	九	
〇	〇	九	類
架	冊	號	

內閣文庫			
番號	漢	1639	
冊數	50	(44)	
函號	279	34	



明治十四年五月

下列傳

校史記評林

東京 同人有志梓

史記評林卷之百一十二

平津侯主父列傳第五十二

日本 吳興凌雅隆輯校
溫陵李光縉增補
長尾與田遵校正

漢書	無者	下齊	字	注入	齊宜	言入	舊川	六國	時孟	嘗君	封薛	則薛	之為	齊尚	矣
----	----	----	---	----	----	----	----	----	----	----	----	----	----	----	---

史記評林卷之百一十二
平津侯主父列傳第五十二

丞相公孫弘者。齊菑川國薛縣人也。索隱曰。案薛縣本屬魯。漢置菑川國。後割入齊也。正義曰。表云。菑川國。文帝分齊。置都劇。括地志云。故劇城在青州壽光縣南三十一里。故薛城在徐州滕縣界。地理志云。薛縣屬魯。國按薛與劇隔兗州及太山。未詳。公孫弘墓又在青州北。魯縣西二十里也。字季。少時為薛獄吏。有臯兔家貧。牧豕海上。年四十餘。乃學春秋雜說。養後母孝。謹。建元元年。天子初即位。招賢良文學之士。是時弘年六十。徵以賢良為博士。使匈奴。還報。不合上意。上怒。以為不能弘。乃病免歸。元光五年。有詔徵文學。菑川國復推上公孫弘。弘讓謝國人曰。臣已嘗西應命。以不能罷歸。願更推選。國人固推弘。弘

校字訓點 史記卷百一十二 平津侯主父列傳

被屬衣而蔽矣非臥具

嘗常通

焉能致此位乎時則武帝方鄉文學弘因得以儒術對策奏擢為第一不然而帝以雄才揚推俊又嘆息嚴徐之徒報書諸侯王常召司馬相如等視草豈其於弘非辨論有餘習文法吏重而輒自百餘人之下以為舉首以示在昔不能罷歸為不知弘必不然矣
康海曰君子之事君彌縫其闕而濟其所不逮漢武帝好大喜功方窮奢極靡而公孫弘乃以人主病不廣大為言孟子所謂逢君之惡者歟
王維楨曰篇中大悅之一段上益

便上疑脫不字

厚遇之一段天子以為謙讓愈益厚之一段總言弘遇主逢時之意故卒封丞相
唐順之曰據此兩言便是巧計
余有丁曰弘亦非專欲諛者其毀西南夷沮卜式黜齊成皆有大臣之言但重祿持位畏忤上肯故不能不倍約阿世耳
黃震曰按發十策弘不得一弘非不能也希旨而偽屈耳弘亦姦哉

至太常太常令所徵儒士各對策百餘人弘第居下策奏天子擢弘對為第一召入見狀貌甚麗拜為博士是時通西南夷道置郡巴蜀民苦之詔使弘視之還奏事盛毀西南夷無所用上不聽弘為人恢奇多聞常稱以為人主病不廣大人臣病不儉節弘為布被食不重肉後母歿服喪三年每朝會議開陳其端令人主自擇不肯面折庭爭於是天子察其行敦厚辯論有餘習文法吏事而又緣飾以儒術上大說之索隱曰謂以儒術飾文法如衣服之有領緣以為飾也
二歲中徐廣曰一歲至左內史弘奏事有不可不庭辯之嘗與王爵都尉汲黯請間汲黯先發之弘推其後天子常說所言皆聽以此日益親賢嘗與公

卿約議至上前倍其約以順上旨汲黯庭詰弘曰齊人多詐而無情實始與臣等建此議今皆倍之不忠上問弘弘謝曰夫知臣者以臣為忠不知臣者以臣為不忠上然弘言左右幸臣每毀弘上益厚遇之元朔三年張歐免以弘為御史大夫是時通西南夷東置滄海北築朔方之郡弘數諫以為罷敝中國以奉無用之地願罷之於是天子乃使朱買臣等難弘置朔方之便發十策弘不得一韋昭曰以弘之才非不能得一也以為不可不取
逆上耳正義曰顏師古曰言其利害十條弘無
應弘廼謝曰山東鄙人不知其便若是願罷西南夷滄海而專奉朔方上乃許之汲黯曰弘位在三公奉祿甚多然為布被此詐也上問弘弘謝曰有

功臣表疑

董份曰黜廷詩弘弘深疾黜而云九御莫如黜與善此則過異以激上怒信齊人之多詐也余有丁曰實自美也而言似遜韓大夫教武安不當與魏其爭即此智唐順之曰詳語意寔非常而是是因以晏自況

之夫九卿與臣善者無過黯然今日庭詰弘誠中弘之病夫以三公為布被誠飾詐欲以釣名且臣聞管仲相齊有二歸後擬於君桓公以霸亦上僭於君晏嬰相景公食不重肉妾不衣絲齊國亦治此下比於民也索隱曰比音鼻比者近也小顏音比方之比今臣弘位為御史大夫而為布被自九卿以下至於小吏無差誠如汲黯言且無汲黯忠陛下安得聞此言天子以為謙讓愈益厚之卒以弘為丞相封平津侯徐曰大臣表曰元朔五年十一月乙丑公孫弘為丞相功臣表曰元朔三年十一月乙丑封平津侯駟案漢書高成之平津鄉也○索隱曰案漢書曰漢與皆以列侯為丞相弘本無爵乃詔封弘高成之平津鄉六百五十五戶為平津侯丞相封侯自弘始也弘為人意息外寬內深索隱曰謂弘外寬內諸嘗與弘有卻者雖詳與善深意多有忌害也

同填鎮

茅坤曰數言乃平津侯小像王慎中曰封必以功不聞以位宰相始拜而封非與也按西京雜記云平津侯自以布衣為宰相乃開東閣營客館以招天下之士其一曰欽賢館以待大賢次曰翹才館以待大材次曰接士館以待國士其有德任毗贊佐理陰陽者處欽賢之館其有才堪九列者可倫二千石者居翹材之館其有一介之善一方之藝居接士之館而躬自菲薄所得俸祿以待奉之

陰報其禍殺王父偃徙董仲舒於膠西皆弘之力也食一肉脫粟之飯索隱曰案一肉言不兼味也脫粟纔脫殼而已言不精穀也故人所善賓客仰衣食弘奉祿皆以給之家無所餘士亦以此賢之淮南衡山謀反治黨與方急弘病甚自以為無功而封位至丞相宜佐明王填撫國家使人由臣子之道今諸侯有叛逆之計此皆宰相奉職不稱恐竊病死無以塞責索隱曰案於君上死生由君臣若一朝病死是竊死也乃上書曰臣聞天下之通道五所以行之者三索隱曰案此語出子思子今見禮中庸篇曰君臣父子兄弟夫婦長幼之序此五者天下之通道也智仁勇此三者天下之通德所以行之者也故曰力行近乎仁好問近乎智知恥近乎勇知此三者則

新禮出與記采同

尚通本尚
作諸作

注疾
輕當
作輕
疾

孝武
當作
今上

王整曰又討一結

白居易曰志也
初無訓病之義蓋

知所以自治知所以自治然後知所以治人天下
未有不自治而能治人者也此百世不易之道
也今陛下躬行大孝鑒二王建周道兼文武厲賢
予祿徐廣曰厲作廣也量能授官今臣弘罷駑之質無汗
馬之勞陛下過意擢臣弘卒伍之中封為列侯致
位三公臣弘行能不足以稱素有負薪之病恐先
狗馬填溝壑終無以報德塞責願歸侯印乞骸骨
避賢者路天子報曰古者賞有功褒有德守成倘
文遭遇右武索隱曰小顏云右亦上也未有易此
者也朕宿昔庶幾獲承尊位懼不能寧惟所與共
為治者君宜知之蓋君子善善惡惡君宜知之君
若謹行常在朕躬君不幸罹霜露之病何恙不已

既云罹病不應復
云病

按元城劉氏論
弘諫罷西南夷
不用上式郭解
二事得大臣之
体然則餘固不
足稱云

茅坤曰此傳敘事
无足觀而二書可
類當與鄒陽傳同
按長短縱橫說
由戰國策蓋蘇
秦張儀之謀趣
彼為短歸此為
長故戰國名短
長策也

漢書音義曰何恙喻小疾不以時愈○索隱曰恙
憂也以言罹霜露寒涼之疾輕何憂於病不止禮
日疾止也廼上書歸侯乞骸骨是章朕之不德也今
復初也事少問君其省思慮一精神輔以醫藥因賜告牛
酒雜帛居數月病有瘳視事元狩二年弘病竟以
丞相終漢書曰年八十○索隱曰案張子度嗣為
平津侯度為山陽太守十餘歲坐法失侯索隱曰
坐不遺鉅野令史成誥公車論為城
且元始中詔復弘後為關內侯也

主父偃者齊臨菑人也學長短縱橫之術晚乃學
易春秋百家言游齊諸生間莫能厚遇也齊諸儒
生相與排擯不容於齊家貧假貸無所得廼北游
燕趙中山皆莫能厚遇為客甚困孝武元光元年
中以為諸侯莫足游者乃西入關見衛將軍衛將

交

漢書卷一百一十五

茅坤曰惜乎八事不及傳而伐匈奴一事千載來絕議也
 凌約言曰言伐匈奴利害如指掌秦皇漢高二事足以鑒矣文字溫厚厚重質實愈嚼而愈有味是漢初元氣復還之作非戰國元氣澆漓之餘習也

軍數言上上不召資用乏留久諸公賓客多厭之乃上書闕下朝奏暮召入見所言九事其八事為律令一事諫伐匈奴其辭曰臣聞明主不惡切諫以博觀忠臣不敢避重誅以直諫是故事無遺策而功流萬世今臣不敢隱患避死以效愚計願陛下幸赦而少察之司馬法曰國雖大好戰必亡天下雖平忘戰必危天下既平天子大凱應劭曰大凱周禮還師振旅春蒐秋獮諸侯春振旅秋治兵所以不忘戰也宋均曰春秋少陽少陰氣弱未全每入功而疾必春秋講武簡閱車徒以順時氣不忘戰也且夫怒者逆德也兵者凶器也爭者末節也古之人君一怒必伏尸流血故聖王重行之夫務戰勝窮武事者未有不悔者也

附後曰踵漢書

通靡靡

通腫腫

萌乎是心也余謂啓之者實優
 按此書先引秦伐匈奴而以天下始畔結之繼引漢伐匈奴而以高帝悔其結之即上好戰必亡與務戰勝窮武事未有不悔意然只泛論未會見得今日事體故又申言秦失之當戒及虞夏殷周之可法復明辨以深微之其文溫淳厚重信非漢人道不到此
 增詹惟修曰此言始皇不悔便止

昔秦皇帝任戰勝之威蠶食天下并吞戰國海內為一功齊三代務勝不休欲攻匈奴李斯諫曰不可夫匈奴無城郭之居委積之守遷徙鳥舉難得而制也輕兵深入糧食必絕踵糧以行重不及事得其地不足以為利也遇其民不可役而守也勝必殺之非民父母也靡敝中國快心匈奴非長策也索隱曰靡音靡秦皇帝不聽遂使蒙恬將兵攻胡辟地千里以河為境地固澤鹹鹵徐廣曰澤澤其地多水不生五穀然後發天下丁男以守北河澤又有鹵暴兵露師十有餘年死者不可勝數終不能踰河而北是豈人眾不足兵革不備哉其勢不可也又使天下蜚芻輓粟文穎曰轉芻穀就戰是也起於東勝琅邪負

交字訓點

史記卷一百一十五

五

按師古云搏擊也搏入之陰影言不可得也
增詹惟修曰此言高帝悔之便存

海之郡徐廣曰肅在東萊音緹其音同轉輸北河
率二十鍾而致一石男子疾耕不足於糧饒女子
紡績不足於帷幕百姓靡敝孤寡老弱不能相養
道路死者相望蓋天下始畔秦也及至高皇帝定
天下畧地於邊聞匈奴聚於代谷之外而欲擊之
御史成進諫曰不可夫匈奴之性獸聚而鳥散從
之如搏影今以陛下盛德攻匈奴臣竊危之高帝
不聽遂北至於代谷果有平城之圍高皇帝蓋悔
之甚乃使劉敬往結和親之約然後天下忘干戈
之事故兵法曰興師十萬日費千金夫秦常積衆
暴兵數十萬人雖有覆軍殺將係虜單于之功亦
適足以結怨深讎不足以償天下之費夫上虛府

班固曰嚴此蓋後人因漢書而改耳

王鏊曰太史公傳亦不必人人備著顛末嚴安徐樂一

庫下敝百姓其心於外國非完事也夫匈奴難得而制非一世也行盜侵驅所以為業也天性固然上及虞夏殷周固弗程督禽獸畜之不屬為人夫上不觀虞夏殷周之統而下修近世之失此臣之所大憂百姓之所疾苦也且夫兵久則變生事苦則慮易乃使邊境之民靡敝愁苦而有離心將吏相疑而外市張晏曰與外國交求暗危朝廷故尉佗章邯得以成其私也夫秦政之所以不行者權分乎二子此得失之效也故周書曰安危在出令存亡在所幸連用願陛下詳察之少加意而熟慮焉是時趙人徐樂齊人嚴安俱上書言世務各一事索隱曰樂音岳嚴本姓莊莊者明帝諱後改姓嚴也安及徐樂曰臣聞天下

交之川

史記卷一百一十五

六

不知漢書無此字疑

然書足矣蔡澤傳亦
王維楨曰自陳涉
无千乘之尊至猗
頓之富也六句成
一氣壯哉
凌約言曰此言基
本積壞為土崩禍
難驟興為瓦解文
字開闔呼應轉綴
有力血脉貫通體
格嚴整但欲明安
危之机銷未形之
患則凡幾微之際
皆所當謹顧乃以
瓦解之勢為不必
慮而欲其自恣於
游畋聲色之間非
引君當道之意矣

之患在於土崩不在於瓦解古今一也何謂土崩
秦之末世是也陳涉無千乘之尊尺土之地身非
王公大人名族之後無鄉曲之譽非有孔墨曾子
之賢陶朱猗頓之富也然起窮巷奮棘矜音偏
祖大呼而天下從風此其故何也由民困而主不
恤下怨而上不知也俗已亂而政不修此三者陳
涉之所以為資也是之謂土崩故曰天下之患在
於土崩何謂瓦解吳楚齊趙之兵是也七國謀為
大逆號皆稱萬乘之君帶甲數十萬威足以嚴其
境內財足以勸其士民然不能西攘尺寸之地而
身為禽於中原者此其故何也非權輕於匹夫而
兵弱於陳涉也當是之時先帝之德澤未衰而安

土樂俗之民衆故諸侯無境外之助此之謂瓦解
故曰天下之患不在瓦解由是觀之天下誠有土
崩之勢雖布衣窮處之士或首惡而危海內陳涉
是也況三晉之君或存乎天下雖未有大治也誠
能無土崩之勢雖有疆國勁兵不得旋踵而身為
禽矣吳楚齊趙是也況羣臣百姓能為亂乎哉此
一體者安危之明要也賢王所留意而深察也間
者關東五穀不登年歲未復民多窮困重之以邊
境之事推數循理而觀之則民且有不_レ安其處者
矣不安故易動易動者土崩之勢也故賢王獨觀
萬化之原明於安危之機修之廟堂之上而銷未
形之患其要期使天下無土崩之勢而已矣故雖

茅坤曰以上似識
治體之大而以下
復導之游樂以自

媚于上。王維楨曰若淫樂如此便有土崩之勢。雖諷之實勸也。王韋曰文勢變化而氣更滂沛。董份曰先懼其拂。言故曰何必湯武。成康其後即轉甚。有力亦是婉辭。陳仁子曰帝之心內多欲而外仁義者也。仁義不勝。故私欲橫生。徐樂于聲色之奉游獵之娛。俳優侏儒之歡。不直止之而勸以王道。幾若陳善而閉其邪者。亦善于諷諫者也。卒之同時若偃者一歲。四遷安雖不用而為騎馬。今至樂竟不見用。母乃以樂言為迂而不入耶。

漢書無字

有彊國勁兵。陛下逐走獸。射蜚鳥。弘游蕪之囿。淫縱恣之觀。極馳騁之樂。自若也。金石絲竹之聲。不絕於耳。帷帳之私。俳優侏儒之笑。不之於前。而天下無宿憂。名何必湯武。俗何必成康。雖然。臣竊以為陛下天然之聖。寬仁之資。而誠以天下為務。則湯武之名不難侔。而成康之俗可復興也。此二體者。立然後處尊安之實。揚名廣譽於當世。親天下而服四夷。餘恩遺德為數世隆。南面負宸。攝袂而揖王公。此陛下之所服也。臣聞圖王不成。其敝足以安安。則陛下何求而不得。何為而不成。何征而不服乎哉。嚴安上書曰。臣聞周有天下。其治三百餘歲。成康其隆也。刑錯四十餘年。而不用。及其衰

漢書一作

漢書之修其

凌約言曰此言窮兵之禍。極為詳悉。於治道有關其言。華采中有質實。實中有華采。漢書起有風俗救敝一段。王慎中曰漢武帝用兵獨嚴安一疏。論事有本末。諷病當世有味。按此段言戰國兵禍。

凌約言曰逢明天子。人人自以為更。生此言過矣。嚮使以下則是。按此下言秦窮兵之禍。以為戒。

也。亦三百餘歲。故五伯更起。五伯者。常佐天子興利除害。誅暴禁邪。匡正海內。以尊天子。五伯既沒。賢聖莫續。天子孤弱。號令不行。諸侯恣行。疆陵弱。眾暴寡。田常篡齊。六卿分晉。並為戰國。此民之始苦也。於是疆國務攻。弱國備守。合從連橫。馳車擊轂。介胄生蟣蝨。民無所告。愬及至秦。王蠶食天下。并吞戰國。稱號曰皇帝。王海內之政。壞諸侯之城。銷其兵鑄以為鍾虡。索隱曰虡音巨。鄒示不復用。元元黎民得免於戰國。逢明天子。人人自以為更生。嚮使秦緩其刑罰。薄賦歛。省繇役。賁仁義。賤權利。上篤厚。下智巧。索隱曰上猶尚也。賁也。變風易俗。化於海內。則世世必安矣。秦不行。是風而修其

漢書 屠尉 字無佗

景騎 宜作 景駒 蓋訛

注壤 漢書 張注 作長

或云 霸王 之當 上

今下 漢書 無欲 字

注濊 陌之 陌疑 當作 猶

故俗為智巧權利者進篤厚忠信者退法嚴政峻

故俗為智巧權利者進篤厚忠信者退法嚴政峻

諂諛者衆日聞其美意廣心軼欲肆威海外乃使

蒙恬將兵以北攻胡辟地進境戍於北河蜚芻輓

粟以隨其後又使尉佗屠睢索隱曰案尉官也他

睢人姓名將樓船之士南攻百越使監祿擊渠運

糧音睢深入越韋昭曰監御越人遁逃曠日持久糧食

絕乏越人擊之秦兵大敗秦乃使尉佗將卒以戍

越當是時秦禍北構於胡南挂於越宿兵無用之

地進而不得退行十餘年丁男被甲丁女轉輸苦

不聊生自經於道樹或者相望及秦皇帝崩天下

大叛陳勝吳廣舉陳索隱曰謂勝廣舉兵據陳舉

武臣張耳舉趙項梁舉吳田儋舉齊景駒舉郢周

市舉魏韓廣舉燕窮山通谷豪士竝起不可勝載

也然皆非公侯之後非長官之吏也無尺寸之勢

起閭巷杖棘矜應時而皆動不謀而俱起不約而

同會壤長地進張晏曰壤至于霸王時教使然也

秦貴為天子富有天下滅世絕祀者窮兵之禍也

故周失之弱秦失之彊不變之患也今欲招南夷

朝夜郎降羌棘畧濊州如淳曰東夷也索隱曰

州地名即古濊州建城邑深入匈奴燔其龍城索

隱燔音煩謂燒也議者美之此人臣之利也非天

下之長策也今中國無狗吠之驚而外累於遠方

之備靡敝國家非所以子民也行無窮之欲甘心

快意結怨於匈奴非所以安邊也禍結而不解兵

按此下言時事

楊慎曰人臣之利非天下之長策嚴安此論極盡事情宋富弼與契丹議意如此然安之論本出韓非韓非論內篇曰苦民以富貴人起勢以藉入臣非天下長利也

故俗為智巧權利者進篤厚忠信者退法嚴政峻

橋蓋
矯之
假借

糧
漢書
運糧
作軍

按橋前漢書作
矯箭正曲使直
也
按此總括一篇
之意而結之語
約而意盡
陳仁子曰嚴安上
書與主父偃不同
主父偃皆隨其未
而救之嚴安則撥
其本而救之本正
則未自正矣凡安
所言曰薄賦歛則
歲帝之利心也曰
省刑罰則樂帝之
慘心也曰省絲役
則約帝之侈心也
夫帝之欲不祖窮
兵一事大本既立
數者既除則兵可
片言而止至于用
兵乃人臣之利非
天下之長策二語
可以關要功生事
者之口噫一將功

尺書封之尺
地作漢地寸
之封

成萬骨枯其言蓋
本諸安
黃震曰嚴安言郡
守之權非特六卿
豈慮根本既耗或
有乘時而起者耶
按此本賈生之
議

茅坤曰此即劉敬
故智
按偃初諫伐匈奴
奴似識治體之

休而復起近者愁苦遠者驚駭非所以持久也今
天下鍛甲砥劍橋箭累弦轉輸運糧未見休時此
天下之所共憂也夫兵久而變起事煩而慮生今
外郡之地或幾千里列城數十形束壤制服虔曰
在郡守土壤足以專民制蘇林曰言其土地形勢
束制在旁脅諸侯非公室之利也上觀齊晉之所
以亡者公室卑削六卿大盛也下觀秦之所以滅
者嚴法刻深欲大無窮也今郡守之權非特六卿
之重也地幾千里非特閭巷之資也甲兵器械非
特棘矜之用也以遭萬世之變則不可稱諱也書
奏天子天子召見三人謂曰公等皆安在何相見
之晚也徐廣曰佗史記本皆不見嚴安此荀所纂
者取漢書耳然漢書不且乃容大異或寫

史記相承關脫也於是上乃拜王父偃徐樂嚴安
為郎中數見上疏言事詔拜偃為謁者遷樂為中
大夫一歲中四遷偃說上曰古者諸侯不過百
里疆弱之形易制今諸侯或連城數十地方千里
緩則驕奢易為淫亂急則阻其疆而合從以逆京
師今以法割削之則逆節萌起前日鼂錯是也今
諸侯子弟或十數而適嗣代立餘雖骨肉無尺寸
地封則仁孝之道不宣願陛下令諸侯得推恩分
子弟以地侯之彼人人喜得所願上以德施實分
其國不削而稍弱矣於是上從其計徐廣曰元朔
侯王分封也又說上曰茂陵初立天下豪傑并兼之
家亂衆之民皆可徙茂陵內實京師外銷姦猾此

文之川

史記卷七

平定侯王父列傳

十

注不
字難
通疑
訛字

大者後因一歲
屢遷遂爾自肆
如所言滅胡之
本何與初諫竟
矛盾哉孔子謂
鄙夫不可事君
偃之謂也

趙恒曰漢武之
時儒雅則董仲舒
公孫弘子長於舒
則傳儒林於弘則
與主父偃同傳至
替一則以其通顯
為遇時幸之一
則以其立乎惡俗

達則交譽之敗則
爭惡之毀譽因乎
時而悲之悲之者
悲其不幸也而非
以弘之資能過於
偃也公孫弘本不
得於漢時士論子
長之於書法亦嚴
矣平準書又云公
孫弘以春秋之義
繩臣下云云張湯
用峻文云云又以
弘與湯並傳其不
滿於弘者又如此

所謂不誅而害除。上又從其計。尊立衛皇后。及發
燕王定國陰事。偃有功焉。大臣皆畏其口。賂遺累
千金。人或說偃曰。太橫矣。主父曰。臣結髮游學四
十餘年。身不得遂。親不以為子。昆弟不收。賓客弃
我。我阨日久矣。且丈夫生不五鼎食。死即五鼎烹
耳。吾日暮途遠。故倒行暴施之。索隱曰。按偃言。吾
途不跌。故須倒行而逆施。乃可及耳。今此本作暴
暴者言已困久。得申當須急。暴行。事以快意也。暴
者卒也。偃盛言朔方地肥饒。外阻河蒙恬城之。以
逐匈奴。內省轉輸戍漕。廣中國。滅胡之本也。上覽
其說。下公卿議皆言不便。公孫弘曰。秦時常發三
十萬衆築北河。終不可就。已而弃之。主父偃盛言
其便。上竟用主父計。立朔方郡。元朔二年。主父言

齊王內淫佚行僻。上拜主父為齊相。至齊。遍召昆
弟賓客。散五百金。予之。數之曰。始吾貧時。昆弟不
我衣食。賓客不我內門。今吾相齊。諸君迎我。或千
里。吾與諸君絕矣。毋復入偃之門。乃使人以王與
姊姦事動王。王以為終不得脫罪。恐效燕王論。歿
乃自殺。有司以聞。主父始為布衣時。嘗游燕趙。及
其貴。發焚事。趙王恐其為國患。欲上書言其陰事。
為偃居中不敢發。及為齊相。出關。即使人上書告
言主父偃受諸侯金。以故諸侯子弟多以得封者。
及齊王自殺。上聞大怒。以為主父劫其王。令自殺。
乃徵下吏治。主父服受諸侯金。實不劫王。令自殺。
上欲勿誅。是時公孫弘為御史大夫。乃言曰。齊王

茅坤曰篇終餘音
嫻娜

王維禎曰此太史
公有感之言暗指
李陵事也

楊慎曰此下非太
史公所著特褚先
生輩續之耳

自殺無後國除為郡入漢王父偃本首惡陛下不
誅王父偃無以謝天下乃遂族王父偃王父方賢
幸時賓客以千數及其族矣無一人收者唯獨汶
孔車收葬之徐廣曰孔車汶人也沛有汶縣天子
後聞之以為孔車長者也

太史公曰公孫弘行義雖修然亦遇時漢興八十
餘年矣徐廣曰漢初至元上方鄉文學招後又以

廣儒墨弘為舉首王父偃當路諸公皆譽之及名
敗身誅士爭言其惡悲夫

太皇太后詔大司徒大司空徐廣曰此詔是平
帝元始中王元后
詔後人寫此及班固所稱以續卷後也索隱曰按廣所云則又非褚先生所錄也蓋聞
治國之道富民為始富民之要在於節儉孝經

董份曰後聖聖字
恐當是世字言禹
聖德歎後世不能
循也

曰安上治民莫善於禮禮與奢也寧儉昔者管
仲相齊桓霸諸侯有九合一匡之功而仲尼謂
之不知禮以其奢泰侈擬於君故也夏禹卑宮
室惡衣服後聖不循由此言之始之盛也德優
矣莫高於儉儉化俗民則尊卑之序得而骨肉
之恩親爭訟之原息斯乃家給人足刑錯之本
也歟可不務哉夫三公者百寮之率萬民之表
也未有樹直表而得曲影者也孔子不云乎子
率以正孰敢不正舉善而教不能則勸維漢興
以來股肱宰臣身行儉約輕財重義較然著明
索隱曰較音
角較明也未有若故丞相平津侯公孫弘者
也位在丞相而為布被脫粟之飯不過一肉故

董份曰雖于品制
有減而儉實可久

人所善賓客皆分奉祿以給之無有所餘誠內
自克約而外從制汲黯詰之乃聞于朝此可謂
減於制度應劭曰禮賔有常而可施行者也德
優則行否則止與內奢泰而外為詭服以釣虛
譽者殊科以病乞骸骨孝武皇帝即制曰賞有
功褒有德善善惡惡君宜知之其省思慮存精
神輔以醫藥賜告治病牛酒雜帛居數月有瘳
視事至元狩二年竟以善終于相位夫知臣莫
若君此其效也弘于度嗣爵後為山陽太守坐
法失侯夫表德章義所以率俗厲化聖王之制
不易之道也其賜弘後子孫之次當為後者爵
關內侯食邑三百戶徵詣公車上名尚書朕親

臨拜焉。

班固稱曰公孫弘卜式兒寬皆以鴻漸之翼困

於燕雀李奇曰漸進也鴻一舉而進千里者羽

若燕雀翼之材也弘等皆以材初為俗所薄

等未遇為時所輕若飛鴻之志也○索隱曰按謂公孫

也遠迹羊豕之間韋昭曰遠迹謂耕牧在於遠

餘載海內又安索隱曰府庫充實而四夷未賓

制度多闕上方欲用文武求之如弗及始以蒲

輪迎枚生索隱曰案謂枚乘也漢始詔申公亦

且蒲是草之美者故禮有蒲壁蓋或畫繡以為榮飾也見王父而歎息索

等安在何相見之晚者是也公羣臣慕嚮異人

誼出卜式試於芻牧弘羊擢於賈豎衛青奮於

蒲輪少動搖所安以體非恐木傷草
試漢書作拔

校字訓點 史記卷七十一 平津侯王文列傳

十三

矣漢書作已

羣諸本同疑乘字訛

王應麟曰班固叙武帝名臣李延年桑弘羊亦與焉若儒雅則列董仲舒于公孫弘兒寬之間汲黯之直豈下式之儔哉史筆褒貶萬世榮辱所關而薰藉如此謂之比良遷董可乎

奴僕日碑出於降虜斯亦曩時版築飯牛之朋矣漢之得人於茲為盛儒雅則公孫弘董仲舒兒寬篤行則石建石慶賢直則汲黯卜式推賢則韓安國鄭當時定令則趙禹張湯文章則司馬遷相如滑稽則東方朔枚臯應對則嚴助朱買臣歷數則唐都落下閔協律則李延年運籌則桑弘羊奉使則張騫蘇武將帥則衛青霍去病受遺則霍光金日磾其餘不可勝紀是以興造功業制度遺文後世莫及孝宣承統纂修洪業亦講論六藝招選茂異而蕭望之梁丘賀夏侯勝韋玄成嚴彭祖尹更始以儒術進劉向王褒以文章顯將相則張安世趙充國魏相邴吉

累漢書作參

劉評曰脫下字

于定國杜延年治民則黃霸王成龔遂鄭弘邵信臣韓延壽尹翁歸趙廣漢之屬皆有功迹見述於後累其名臣亦其次也

王安石曰始讀孟子見言王政之易行心則以為誠然及見與慎子論齊魯之地以爲先王之制國大抵不過百里今有王者起則先王之制國大抵不過百里今有王者子之言爲過得觀漢武帝用主父偃之策今諸侯王地悉得推恩分其子弟而漢親臨定其號名輒別屬漢於是諸侯王之子弟各有所分土而勢強地大者卒以分析弱弟然後知慮之以謀計之固可使弱而不至則大者固可使小強者固可使弱而不至於傾駭變亂無敢傷之

校字訓點

史記卷百十二

平津侯王父列傳

十四

劉子暈曰父偃等諫甚切帝嘆相見之晚悉拜爲郎然征伐竟不已又爲上林苑東

注上下脫
日疑南曰

正九下脫
越疑州義

按南越即今廣
東西二省
唐順之曰此與
奴大宛西南夷
傳貫穿百餘年
興如世家例

按字訓點

史記評林卷之一百一十三

南越尉佗列傳第五十三

吳興凌維隆輯校
溫陵李光縉增補
景長尾奧田遵校正

南越王尉佗者。正義曰都廣。真定人也。索隱曰尉

也。姓趙佗。音徒河反。又十三州記云大郡曰守小

郡曰尉。韋昭云真定故郡名。後更爲縣。在常山也。

姓趙氏。秦時已并天下。畧定楊越。南越也。○索隱

曰案戰國策云吳起爲楚收楊越。○正義曰置桂林南

海象郡。索隱曰地理志武帝更名桂林。曰鬱林秦

鬱林象郡。地理志曰南以謫徙民。索隱曰謫與越雜處

方朔陳三不可帝拜朔爲大中大夫賜以
黃金然遂起死蓋武帝知受諫爲人君之
矣故不吝爵祿以旌寵之也然有受諫之
名無受諫之實何益於治乎此法語之言
改之
爲貴
黃震曰王父偃姦險無賴小人其致身青
雲特自速族滅之禍耳何足污齒頰哉惟
諫朝伐何奴一書不當以人廢言然日勸
以諫朝伐何奴一書不當以人廢言然日勸
則極擿賈生之緒餘也何耶其勸分王諸侯
陵則擿賈生之緒餘也何耶其勸分王諸侯
一策耶而取大臣金取諸侯金自謂日暮
途遠自分倒行暴施以至於齊而劫齊王
殺之以游於燕而陷燕王殺之召平日昆
弟賓客戒其母入偃門以一切踈絕之何
哉偃之爲人也其自取覆滅也固宜爲偃
之族者
可悲耳

史記評林卷之一百一十二終

佗秦時用爲南海龍川令。索隱曰地理志云龍川

師古云龍川南海縣也。卽今之循州也。裴氏廣州

泉因以博羅縣之東鄉有龍穿地而出卽允流東

爲號也。至二世時南海尉任囂病且歿。徐廣曰爾

史記卷一百一十三

南越尉佗列傳

康海曰以下敘祀自立為南越王詞簡健而委宛

尉也○索隱曰召龍川令趙佗語曰聞陳勝等作

亂秦為無道天下苦之項羽劉季陳勝吳廣等州

郡各共興軍聚眾虎爭天下中國擾亂未不知所安

豪傑畔秦相立南海僻遠吾恐盜兵侵地至此吾

欲興兵絕新道索隱曰案蘇林云秦所通越道自備待諸侯變會

病甚且番禺負山險阻南海東西數千里頗有中

國人相輔此亦一州之主也可以立國郡中長吏

無足與言者故召公告之新翼即被佗書韋昭曰被之

之被索隱曰行南海尉事索隱曰服虔音光被

囂佗即移檄告橫浦陽山湟谿關曰徐廣曰在

會也○索隱曰案南康記云南野大庾嶺三十里

至橫浦有秦時關其下謂為塞上姚氏案地理志

云桂陽有陽山縣今此縣上流百餘里有騎田嶺

當是陽山關鄒氏劉氏本湟竝作湟音年結反漢

按絕道自守與上絕新道自備相應

出桂陽水匯出本傳注下

注守上脫或字漢書注可

書作湟谿音皇又衛青傳云出桂陽下湟水是而

姚察云史記作匯今本有湟湟及匯不同蓋由隨

見輒改故也水經云合匯縣南有匯浦關未盜兵

且至急絕道聚兵自守因稍以法誅秦所置長吏

以其黨為假守索隱曰案謂佗立其所黨秦已破

滅佗即擊并桂林象郡自立為南越武王韋昭曰

於古也高帝已定天下為中國勞苦故釋佗弗

誅漢十一年遷陸賈因立佗為南越王與剖符通

使和集百越毋為南邊患害與長沙接境高后時

有司請禁南越關市鐵器佗曰高帝立我通使物

今高后聽讒臣別異蠻夷隔絕器物此必長沙王

計也欲倚中國擊滅南越而并王之自為功也於

是佗乃自尊號為南越武帝發兵攻長沙邊邑敗

幸兵力不分旋起

陳仁子曰圖天下者貴識天下之大

執淮南不貪百粵之臣直以一身為

天下之勢廣滅秦

反洛陽陳豨及代

幸兵力不分旋起

史記卷五十三

南越傳

七

南越傳

七

南越傳

七

南越傳

七

南越傳

七

南越傳

七

南越傳

七

南越傳

七

旋定若窮征遠伐
變不旋踵恐鞭長
不及馬腹天下句
句非吾有也

漢書
無邊
字監
本讀
邊字
句非

索隱
引廣
州記
疑有
脫文

又一
郡恐
當作
二郡

錢福曰此孝文得
黃老之旨處
按冢在真定與
篇首真定人一
句相應

稱臣
下漢
書有
遺字
此蓋
脫文

入字
一本
一作
者疑
訛

康海曰越王書詞
意旨遜而屈漢天
子有以感之也

按漢書載文帝
與南粵書妙甚
按竊疑長沙王
讒臣一段與上
文高后聽讒臣
數語相應

交字訓

史記卷三十一 南越列傳

三

數縣而去焉。高后遣將軍隆慮侯竈往擊之。日章

昭云竈姓周隆慮縣。會暑溼士卒大疫兵不能踰

嶺。索隱曰索即嶺。歲餘高后崩即罷兵。佗因此以兵

威邊財物賂遺閩越西甌駱。後屬焉。漢書音義曰

隱曰姚氏案廣州記云交趾有駱田仰潮水上。索

人食其田名為駱侯諸縣自名為駱將銅印青綬

即今之令後蜀王子將兵討駱侯自稱為安陽王

治封溪縣後南越王尉佗攻破安陽王令二使典

郡。即甌駱也。東西萬餘里。迺乘黃屋左纁稱制

與中國侔。及孝文帝元年初鎮撫天下。使告諸侯

四夷。從代來即位。意喻盛德焉。乃為佗親冢在真

定。置守邑。歲時奉祀。召其從昆弟尊官厚賜寵之

詔丞相陳平等舉可使南越者。平言好時。陸賈先

帝時習使南越。迺召賈以為太中大夫。往使。因讓

佗自立為帝。曾無一介之使報者。陸賈至南越。王

甚恐。為書謝稱曰。蠻夷大長老夫臣佗。前日高后

隔異南越。竊疑長沙王讒臣。又遙聞高后盡誅佗

宗族。掘燒先人家。以故自弃。犯長沙邊境。且南方

卑溼。蠻夷中間。其東閩越。千人眾號稱王。其西甌

駱。裸國亦稱王。索隱曰裸音和。老臣妄竊帝號。聊

以自娛。豈敢以聞天王哉。乃頓首謝願長為藩臣

奉貢職。於是乃下令國中曰。吾聞兩雄不俱立。兩

賢不並世。皇帝賢天子也。自今以後去帝制。黃屋

左纁。陸賈還報。孝文帝大說。遂至。孝景時稱臣。使

入朝。請然南越其居國。竊如故。號名其使。天子稱

王。朝命如諸侯。至建元四年卒。佗孫胡為南越王。

胡之先蓋死

凌約言曰叙武帝討南越筆力萬鈞而越內后王亂臣之變態討越樓船伏波之將略委曲轉折纖悉殆盡

王廷陳曰胡始不敢興兵而使人上書既又遣太子入宿衛得尊中國之體惜其後聽大臣之諫而卒不入見也

注悅當作說

徐廣曰皇甫謐曰越王趙佗以建元四年卒爾時漢興七十年化蓋百歲矣此時閩越王郢與兵擊南越邊邑胡使人上書曰兩越俱為藩臣毋得擅興兵相攻擊今閩越與兵侵臣臣不敢興兵唯天子詔之於是天子多南越義守職約為興師遣兩將軍往討閩越索隱曰王恢韓安國兵未踰嶺閩越王弟餘善殺郢以降於是罷兵天子使莊助往諭意南越王胡頓首曰天子乃為臣興兵討閩越歟無以報德遷太子嬰齊入宿衛謂助曰國新被寇使者行矣胡左日夜裝入見天子助去後其大臣諫胡曰漢興兵誅郢亦行以驚動南越且先王昔言事天子期無失禮要之不可以說好語入見索隱曰漢書悅作怵入見則不得復歸亡國之

王維楨曰藏璽乃知先王之儲豈嬰齊先宿衛久真見天王之不可犯哉

漢書亦作决

勢也於是胡稱病竟不入見後十餘歲胡實病甚太子嬰齊請歸胡夢諡為文王嬰齊代立即藏其先武帝璽索隱曰李邵云藏璽也嬰齊其入宿衛在長安時取邯鄲穆氏女生子興徐廣曰一音紀此反穆邯鄲及即位上書請立穆氏女為后興為嗣漢數使使者風諭嬰齊嬰齊尚樂擅殺生自恣懼入見要用漢法比內諸侯固稱病遂不入見遷子次公入宿衛嬰齊夢諡為明王太子興代立其母為太后太后自未為嬰齊姬時嘗與霸陵人安國少季通索隱曰安國姓也少季名也及嬰齊薨後元鼎四年漢使安國少季往諭王王太后以入朝比內諸侯令辯士諫大夫終軍等宜其辭勇士魏臣等輔其缺徐廣曰

文之川

已見卷之三

百成村七川傳

日

數字
疑行
漢書
無之

董珣曰將敘太后
恐欲倚漢威故
再提太后當與安
國少季通方委曲
有情不嫌於重複
也

監本
以子
字絕
句兄
弟宗
室屬
下讀
非

按此敘呂嘉之
勢盛為下文作
亂張本

史記卷五十三 南越傳
作衛尉路博德將兵屯桂陽待使者王年少太后
中國人也嘗與安國少季通其使復私焉國人頗
知之多不附太后太后恐亂起亦欲倚漢威數勸
王及羣臣求內屬即因使者上書請比內諸侯三
歲一朝除邊關於是天子許之賜其丞相呂嘉銀
印及內史中尉太傅印餘得自置除其故黥劓刑
用漢法比內諸侯使者皆留填撫之王王太后飭
治行裝重齎為入朝具其相呂嘉年長矣相三王
宗族官仕為長史者七十餘人男盡尚王女女盡
嫁王子兄弟宗室及倉梧秦王有連漢書音義曰
倉梧越中王
自名為秦王連親婚也○索隱曰案倉梧秦王即
下趙光是也有連者連姻也趙與秦同姓故稱秦
王其居國中甚重越人信之多為耳目者得衆心

鶴收
云注
矣一
本作
也

教英曰敘宴飲位
次甚悉如目擊然

王慎中曰王止太
后是當斷不斷也

愈於王王之上書數諫止王王弗聽有畔心數稱
病不見漢使者使者皆注意嘉勢未能誅王王太
后亦恐嘉等先事發乃置酒介漢使者權韋昭曰
為介謂也○索隱曰志林云介者因也欲因使者
權誅也口嘉也韋昭以介為特介者間也以言間特
漢使之權意即得矣然云特為介胃則非虞謀誅
喜以介為因亦有所由案介者實王所由也謀誅
嘉等使者皆東鄉太后南鄉王北鄉相嘉大臣皆
西鄉侍坐飲嘉弟為將將卒居宫外酒行太后謂
嘉曰南越內屬國之利也而相君苦不便者何也
以激怒使者使者狐疑相杖遂莫敢發嘉見耳目
非是即起而出太后怒欲鏃嘉以矛韋昭曰鏃撞
案字林鏃音七凶反又吳
王淩傳鏃殺吳王與此同王止太后嘉遂出分其
弟兵就舍索隱曰案謂分取其兵也稱病不肯見
漢書作介介被也特也

文
字
川
點

南越傳

五

參下
也字
漢書
作兵

陸鈇曰好往武往
句法甚奇

王及使者乃陰與大臣作亂王素無意誅嘉嘉知之
之以故數月不發太后有淫行國人不附欲獨誅
嘉等力又不能天子聞嘉不聽王太后弱孤不
能制使者怯無決又以為王王太后已附漢獨呂
嘉為亂不足以興兵欲使莊參以二千人往使參
曰以好往數人足矣以武往二千人無足以為也
辭不可天子罷參也徐廣曰縣屬潁川音郟壯士
故濟北相韓千秋奮曰以區區之越又有
王太后應獨相呂嘉為害願得勇士二百人必斬
嘉以報於是天子遣千秋與王太后弟膠樂將二
千人往應上二往字入越境呂嘉等乃遂反下令國
中曰王年少太后中國人也又與使者亂專欲內

楊慎曰越妻乃越
女非漢女也而徐
注若以越為人名
何也
何孟春曰韓千秋
一段用而字緊接
上文將二十人往
勢如珠走盤

屬盡持先王寶器入獻天子以自媚多從人行至
長安虜賣以為僮僕取自脫一時之利無顧趙氏
社稷為萬世慮計之意乃與其弟將卒攻殺王太
后及漢使者遣人告蒼梧秦王及其諸郡縣立明
王長男越妻子術陽侯建德為王徐廣曰元鼎四年以南越王兄
越封高昌侯索隱曰而韓千秋兵入破數小邑
其後越直開道給食未至番禺四十里越以兵擊
千秋等遂滅之使人函封漢使者節置塞上索隱曰
南康記以為大
東嶺名塞上也
好為謾辭謝罪發兵守要害處於
是天子曰韓千秋雖無成功亦軍鋒之冠封其子
延年為成安侯索隱曰案功臣膠樂其姊為王太
后首願屬漢封其子廣德為龍亢侯索隱曰案龍

交字訓

交字訓

注龍 字鶴 牧作

下屬 之屬 東越 傳漢 瀨皆 書皆 作瀨 宜皆 作瀨

正義 江上 宜有 詳河 二字

與且 明其 義無 異

樓昉曰次伐南越之兵甚中經緯按大宛傳漢發三輔罪人又云救囚徒又云發天下七科擄皆罪人也出師用罪人蓋勾踐敗吳取擄李法也

譏臣不討賊今呂嘉建德等反自立晏如令罪人及江淮以南徐廣曰淮一作匯也樓船十萬師應劭曰時欲擊越非水不博德為伏波將軍出桂陽下匯水徐廣曰一作滄桂陽有匯水通四會或作淮字索隱王爵都尉日劉氏云匯當作滄漢書云下滄水也

王整曰咸會番禺此一句不可少

按招降賜印得按驅字即孟子湯武歐民歐字

校字訓點

州以南是下正義曰江出南徼外東咸會番禺元鼎六年冬樓船將軍將精卒先陷尋陝破石門索隱曰姚氏云尋陝在始興西三百里近連嘉拒漢積石於江名曰石門又俗云石門水名昔日泉飲之則令人變故吳隱之至石門酌水飲乃為歌也得越船粟因推而前挫越鋒以數萬人待伏波伏波將軍將罪人道遠會期後與樓船會乃有千餘人遂俱進樓船居前至番禺建德嘉皆城守樓船自擇便處居東南面伏波居西北面會暮樓船攻敗越人縱火烧城越素聞伏波名日暮不知其兵多少伏波乃為管遣使者招降者賜印復縱令相招樓船力攻燒敵反驅而入伏波營中犁旦城中皆降伏波徐廣曰呂靜云犁結也音力奚反結猶連及逮至也漢書犁日為遲且謂

史記卷五十二南越列傳

及越揭湯令下疑有脫文或云自定二字

鶴云桃牧侯漢書及年表作隨桃註

將軍下疑字

疑當之

失惑困窮本傳不見其意可疑

黃震曰南越稱帝文帝以德懷之而

稱臣既稱臣武帝以詐召之而反越

交三川

待明也。索隱曰。鄒氏云。犁一作比。比音必。至反。然犁即此。義不煩。更釋。又解。犁黑也。天未明而尚黑也。漢書史記亦作遲。明遲。音雅。遲待也。亦犁之義也。呂嘉建德已夜。與其屬數百人。入海。以船西去。伏波又因問所得降者。睿人以知。呂嘉所之。遣人追之。以其故。校尉司馬蘇弘得建德封為海常侯。在東萊。越郎。徐廣曰。郎。都稽。徐廣曰。表。得嘉封為臨蔡侯。索隱曰。案。蒼梧王趙光者。越王同姓。聞漢兵至。及越揭陽令定。草昭曰。揭音其。逝反。索隱曰。地理志。揭陽縣。案。漢功臣表。云。定。揭陽令。意又別。自定。屬漢。越桂林監居翁。漢書。皆得為侯。索隱曰。案。漢書。云。光。聞。漢。兵。至。降。封。為。侯。姓。居。名。翁。也。論。頤。駱。屬。漢。四。十。餘。萬。口。降。漢。皆。得。為。侯。桃。侯。揭。陽。令。為。安。道。侯。越。將。畢。取。為。滕。堵。陽。桃。安。道。滕。三。縣。皆。屬。南。陽。滕。音。遼。也。戈。船。下。

厲將軍兵及馳義侯所發夜郎兵未下南越已平矣。遂為九郡。徐廣曰。儋耳。珠崖。南海。蒼梧。九真。鬱。林。日南。合浦。交趾。索隱曰。徐廣皆據漢書。伏波將軍益封樓船將軍。兵以陷堅為將。梁侯自尉佗初王後五世。九十二歲而國亡焉。太史公曰。尉佗之王。本由任。置。遭。漢。初。定。列。為。諸。侯。隆。慮。離。溼。疫。佗。得。以。益。驕。頤。駱。相。攻。南。越。動。搖。漢。兵。臨。境。嬰。齊。入。朝。其。後。亡。國。徵。自。穆。女。呂。嘉。小。忠。令。佗。無。後。樓。船。從。欲。怠。傲。失。惑。伏。波。困。窮。智。慮。愈。殖。因。禍。為。福。成。敗。之。轉。譬。若。糾。墨。

索隱述贊曰。中原鹿走。羣雄莫制。漢事西馳。越推南裔。陸賈騁說。尉佗去帝。穆后內朝。呂嘉恨戾。君臣不協。卒從剿絕。

交三川

史記評林卷之一百一十三 終

或作侯官

按閩越即今閩地東越即今永嘉地

按東冶即今侯官縣

史記評林卷之一百一十四

東越列傳第五十四

日本 吳興凌 溫陵李光 長尾與田 遵校正

閩越王無諸韋昭曰閩音武巾反東越之別名也故

後也姓騶氏徐廣曰騶一作駱索隱曰徐廣說

秦已并天下皆廢為君長以其地為閩中郡徐廣

也從諸侯滅秦當是之時項籍王命弗王漢書音

人佐漢漢五年復立無諸為閩越王王閩中故地

都東冶孝惠三年舉高帝時越功曰閩君搖功多

號令諸侯不以故不附楚漢擊項籍無諸搖率越

王無諸搖等

都東冶孝惠三年舉高帝時越功曰閩君搖功多

史記評林卷一百一十四

其民便附乃立搖為東海王應劭曰在吳郡東南濱海云都東

甌徐廣曰今之永寧也○索隱曰姚氏云甌水名永嘉記水出寧山行三十餘里去郡城五里入江昔有東甌王都城有世俗號為東甌王後數世

至孝景三年吳王濞反欲從閩越閩越未肯行獨

東甌從吳及吳破東甌受漢購殺吳王丹徒以故

皆得不誅歸國吳王子駒亾走閩越怨東甌殺

其父常勸閩越擊東甌至建元三年閩越發兵圍

東甌東甌食盡困且降乃使人告急天子天子問

太尉田蚡蚡對曰越人相攻擊固其常又數反覆

不足以煩中國往救也自秦時并弗屬於是中

夫莊助詰蚡曰特患力弗能救德弗能覆誠能何

故弃之且秦舉咸陽而弃之何乃越也今小國以

羅洪先曰莊助言辭剴切天子竟遣助發兵得御夷之體助兵未至而閩

越引兵去東甌卒舉國徙中國助亦有見哉

窮困來告急天子天子弗振當安所告愬又何以

子萬國乎上曰太尉未足與計吾初即位不欲出

虎符發兵郡國乃遣莊助以節發兵會稽會稽太

守欲距不為發兵助乃斬一司馬諭意指遂發兵

浮海救東甌未至閩越引兵而去東甌請舉國徙

中國乃悉舉眾來處江淮之間徐廣曰年表云東甌王廣武侯望率

擊南越南越守天子約不敢擅發兵擊而以聞上

遷大行王恢出豫章大農韓安國出會稽皆為將

軍兵未踰嶺閩越王郢發兵距險其弟餘善乃與

相宗族謀曰王以擅發兵擊南越不請故天子兵

來誅今漢兵眾疆今即幸勝之後來益多終滅國

大農蓋大司農

按師古云漢地廣大兵眾盛強今雖勝之而必

更來也

柯維騏曰漢書曰
不戰而隕徐廣曰
耘隕音同按儒行
傳曰不隕獲于會
賤則隕耘義亦同

郎中
將書
中郎
將此
恐倒

而止今殺王以謝天子天子聽罷兵固一國完不
聽乃力戰不勝即入海皆曰善即縱殺王索隱曰劉
氏音窗使使奉其頭致大行大行曰所為來者
誅王今王頭至謝罪不戰而耘徐廣曰漢書作殞
言耘音于粉反此楚人聲重耳隕耘義當取耘除或
便宜案兵告大農軍而使使奉王頭馳報天子詔
罷兩將兵曰郢等首惡獨無諸孫繇君丑不與謀
焉索隱曰繇音搖繇乃使郎中將立丑為越繇王
奉閩越先祭祀餘善已殺郢威行於國國民多屬
竊自立為王繇王不能矯其眾持正天子聞之為
餘善不足復興師曰餘善數與郢謀乱而後首誅
郢師得不勞因立餘善為東越王與繇王並處至

按顏師古云解
者自解說若今
言分疏是也

注三
十里
上疑
脫東
西等
字

注曰
白沙
下有
宜白
字

大農
間漢
書有
司字
此恐
脫文

元鼎五年南越反東越王餘善上書請以卒八千
人從樓船將軍擊呂嘉等兵至揭揚以海風波為
解不行持兩端陰使南越及漢破番禺不至是時
樓船將軍楊僕使使上書願便引兵擊東越上曰
士卒勞倦不許罷兵令諸校屯豫章梅嶺待命徐
日在會稽界索隱曰徐說非也案今豫章三十
里有梅嶺在供崔山當古驛道此文云豫章梅嶺
知非會稽也正義曰括地志云梅嶺在虔化縣
東北百二十八里虔州漢亦屬豫章郡二所未詳
元鼎六年秋餘善聞樓船請誅之漢兵臨境且往
乃遂反發兵距漢道號將軍駟力等為吞漢將軍
入白沙武林徐廣曰在豫章界索隱曰案今豫
小水入湖名曰白沙章北二百里接鄱陽界地名白沙有
東南三十里地名武林此白沙武林今當閩越之
道梅嶺殺漢三校尉是時漢使大農張成故山州

史記卷一百一十五 東越列傳

史記卷一百一十五 東越列傳

三

白沙即文沙 注蓋從如 疑有下 誤

率當 漢書 可徵 又終 作御 語

其率 之率 同上 上文 曰無 諸君 孫君 且此 作錄 王居 殷疑 有一 誤

按師古云功臣表云開陵侯建表以故東越建侯斬餘善侯二千戶而此傳云名教疑表誤又云功臣表作外石與此不同疑表誤何孟春曰成陽共王子一段斷而復續此倒叙法也

交字訓

史記卷四十四 東越列傳

四

抄字訓

史記卷四十四 東越列傳

吳陽前在漢漢使歸諭餘善餘善弗聽及橫海將尉殺長吏樓船將軍率錢唐轅絡古正義曰錢唐名今吳南字今作語語兒鄉在蘇州嘉興縣南七十里臨官道也自兵未往故越衍侯素發兵距險使徇北將軍守武林敗樓船軍數校州有白沙山蓋從如元封元年冬咸入東越東越若邪白沙索隱曰案姚氏云若邪地名今闕一預林申尉王温舒出梅嶺越侯為戈船下瀨將軍出百里鄒縣西一浮海從東方往樓船將軍楊僕出武海將軍韓說出句章索隱曰鄭氏句音鉤會稽縣也正義曰句章故城在越誅餘善刻武帝璽自立詐其民為妄言天子遣橫侯齒徐廣曰城將屯弗敢擊却就便處皆坐畏懦

軍先至越衍侯吳陽以其邑七百人反攻越軍於漢陽從建成侯敖與其率從繇王居股謀曰徐廣曰東越餘善首惡劫守吾屬今漢兵至衆彊計殺餘善自歸諸將儻幸得脫乃遂俱殺餘善以其衆降橫海將軍故封繇王居股為東成侯索隱曰韋昭云在九江萬戶封建成侯敖為開陵侯索隱曰徐廣云敖東臨封越衍侯吳陽為北石侯封橫海將軍說為案道侯封橫海校尉福為繚嫫侯漢書音義曰音遼縣名服虔曰嫫音瑩福者成陽共王子故為海常侯坐法失侯舊從軍無功以宗室故侯諸將皆無成功莫封東越將多軍漢書音義曰多軍名也索隱曰韋昭云多姓軍名也漢兵至弃其軍降封為無錫侯於是天子曰東越

茅坤曰按漢詔徙東越及閩越之民於江淮是以浙以東南及福建蓋空地也
語按此替亦用韻

狹多阻閩越悍數反覆詔軍吏皆將其民徙處江淮間東越地遂虛
太史公曰越雖蠻夷其先豈嘗有大功德於民哉何其久也歷數代常為君王勾踐一稱伯然餘善至大逆滅國遷眾其先苗裔繇王居股等猶尚封為萬戶侯由此知越世世為公族矣蓋禹之餘烈也

索隱述贊曰勾踐之裔是日無諸既席漢寵寔因秦餘騶駱為姓閩中是居王搖之立爰處東隅後嗣不道自相誅鋤

史記評林卷之一百一十四終

史記評林卷之一百一十五

朝鮮列傳第五十五

吳興凌稚隆輯校 溫陵李光縉增補 長尾與田遵校正

朝鮮王滿者正義曰潮仙二音括地志云高麗都地也故燕人也索隱曰案漢書滿郡王險城又古云音朝直驕反鮮取名於此也○索隱曰案朝

後漢書注 浪郡 故國 鮮在 遼東 亦云 遼陽 府即 古朝 鮮國 據之 則箕 子封 之 非今 朝鮮 今朝 鮮蓋 魏耳

柯維騏曰按朝鮮乃周封殷太師之國太師教以禮義田蠶作八條之教無門戶之蔽而人鮮不為盜戰國時朝鮮準僭稱王屬于燕其後燕人衛滿破王準有其地至漢武遂拔朝鮮內屬其後風俗稍薄太史公蓋善滿能以塞外諸夷修中節也

漢興為其遠難守復修遼東故塞至浪水為界屬遼東塞外西南至樂浪縣西入海浪水屬燕燕王盧綰反入匈奴滿亡命聚黨千

交字訓 燕王盧綰反入匈奴滿亡命聚黨千

漢書無衛
擊破及
朝鮮事
之索隱
所引漢
書非

師古命
云者名
也脫籍
而逃

注云
瓚臣
下脫
王字

前注
以王
險為
平襄
似得
實

高驪
即類
矣注
并舉
者蓋

注地
下疑
字疑

御者
蓋涉
何之
從者

卒正
蓋士
卒之
長也

漢書卷一百一十五 南蠻傳第六十五

餘人魁結蠻夷服而東走出塞渡浪水居秦故空地上下鄣索隱曰案地理志樂浪郡在秦郡後稍役屬真番朝鮮蠻夷及故燕齊亡命者王之都王險徐廣曰昌黎有險瀆縣也○索隱曰朝鮮王舊都臣瓚云險城在樂浪郡浪水之東也會孝惠高后時天下初定遼東太守即約滿為外臣保塞外蠻夷無使盜邊諸蠻夷君長欲入見天子勿得禁止以聞上許之以故滿得兵威財物侵降其旁小邑真番臨屯皆來服屬索隱曰東夷小國後以為郡方數千里正義曰括地志云朝鮮高驪狗東沃沮二里在京師東至大海四百里北至營州界九百里二十里南至新羅國六百里北至鞮鞞國千四百里傳子至孫右渠正義曰其孫名也所誘漢亡人茲多又未嘗入見真番旁眾國欲上書見天子又擁閼不

按禪王長乃送何者

通元封二年漢使涉何誘諭右渠索隱曰誘一也諭曉也譙終不肯奉詔何去至界上臨浪水使

御刺殺送何者索隱曰即送也朝鮮禪王長正義曰

州正義曰入平途歸報天子曰殺朝鮮將上為其名

天子募罪人擊朝鮮其秋遣樓船將軍楊僕從齊

浮渤海兵五萬人左將軍荀彘出遼東討右渠右

渠發兵距險左將軍卒正多率遼東兵先縱敗散

多還走坐法斬樓船將軍將齊兵七千人先至王險右渠城守窺知樓船軍少即出城擊樓船樓船

交字川 漢書卷一百一十五 南蠻傳第六十五

師古云於法合斬

軍字句湖本軍字屬下句讀非也

余有丁曰按謂未能破之而前進也故後云破浪水上軍乃前

軍敗散走將軍楊僕失其衆遁山中十餘日稍求收散卒復聚左將軍擊朝鮮浪水西軍未能破自前天子為兩將未有利乃使衛山因兵威往諭右渠右渠見使者頓首謝願降恐兩將詐殺臣今見信節請服降遣太子入謝獻馬五千匹及饋軍糧人衆萬餘持兵方渡浪水使者及左將軍疑其為變謂太子已服降宜命人毋持兵太子亦疑使者左將軍詐殺之遂不渡浪水復引歸山還報天子天子誅山左將軍破浪水上軍乃前至城下圍其西北樓船亦往會居城南右渠遂堅守城數月未能下左將軍素侍中幸將燕代卒悍乘勝軍多驕樓船將齊卒入海固已多敗亡其先與右渠戰困

卻隙通

及漢書作乃

刺專同

漢書濟南上有故字

按此叙兩將軍私心處曲盡

茅坤曰自古兩將異指鮮不敗亡者

辱士卒卒皆恐將心慙其圍右渠常持和節左將軍急擊之朝鮮大臣乃陰間使人私約降樓船往來言尚未肯決左將軍數與樓船期戰樓船欲急就其約不會左將軍亦使人求間卻降下朝鮮朝鮮不肯心附樓船以故兩將不相能左將軍心意樓船前有失軍罪今與朝鮮私善而又不降疑其有反計未敢發天子曰將率不能前及使衛山諭降右渠右渠遣太子山使不能刺決與左將軍計相誤卒沮約今兩將圍城又乖異以故久不決使濟南太守公孫遂往征之有便宜得以從事遂至左將軍曰朝鮮當下久矣不下者有狀言樓船數期不會具以素所意告遂曰今如此不取恐為大

史記卷一百一十五 朝鮮列傳

三

茅坤曰與唐李晟
及懷光汴橋之屯
略相似

執捕之漢書作搏

按師古云相路
人一相韓陰二
尼谿相參三將
軍王啖四應氏
云五人誤也

徐引表有誤脫

按師古云相路
人前已降漢而
死于漢故謂之

害非獨樓船又且與朝鮮共滅吾軍遂亦以為然
而以節召樓船將軍入左將軍營計事即命左將
軍麾下執捕樓船將軍并其軍以報天子天子誅
遂左將軍已并兩軍即急擊朝鮮相路人相
韓陰尼谿相參將軍王啖漢書音義曰凡五人也
戎狄不知官紀故皆稱
相啖音頰○索隱曰路人漁陽縣人相與謀曰始
如淳云相其國相路人名也啖音協
欲降樓船樓船今執獨左將軍并將戰益急恐不
能與戰王又不肯降陰啖路人皆亾降漢路人道
元封三年夏尼谿相參乃使人殺朝鮮王右渠
來降王險城未下故右渠之大臣成已又反復攻
吏左將軍使右渠子長徐廣曰表云長路音各降相
路人之子最索隱曰最名告諭其民誅成已以故

溫當作溫監本誤

降相
黃震曰朝鮮居秦
故空地本元預中
國事也涉何為武
帝生事其國漢卒
盛兵以滅之定其
國為四郡漢固貪
矣右渠負固自取
滅亾亦何愚也

將行也狹謂心志狹

余有丁曰按樓船
前力攻番禺反驅
降者入伏波營故
此欲獨降之為已
功也

遂定朝鮮為四郡真番臨屯樂浪玄菟也封參為濶清侯韋昭曰屬勃海○索
日屬齊○索隱曰屬秋直音于
顧氏澧音獲陰為菽苴侯韋昭曰菽音秋直音于
餘啖為平州侯韋昭曰屬梁父長為幾侯索隱曰屬河東
反最以父死頗有功為溫陽侯韋昭曰屬齊左將軍徵
至坐爭功相嫉乖計棄市樓船將軍亦坐兵至列
口當待左將軍擅先縱失亾多當誅贖為庶人索隱
日蘇林云列口縣
名度海先得之

索隱述贊曰衛滿燕人朝鮮是王王險置都路
人作相右渠首恙涉何調上乖禍自斯狐疑二

將山遂伏法 紛紜無狀

史記評林卷之一百一十五終

西字 漢書 無之

注胡 南二 字可 疑

正義 以下 二字 可疑

注漢 與二 字疑 倒

正義 漢樸 榆縣 以下 疑有 誤脫 一本

按此傳以夜郎 滇二國為首蓋 漢所封也 按韓昌黎送廖 道士序柳州 游黃溪記二文 發端多倣此法 弟坤曰篇首絕佳 以下並序次通西 南諸夷本末亦可 觀覽

史記評林卷之一百一十六

西南夷列傳第五十六

日本 吳興 溫陵 李光 尾與 田遵 校正

西南夷君長以什數 正義曰在夜郎最大 索隱曰

音所具反鄒氏音所主反荀悅云夜郎捷為屬國 也韋昭云漢為縣屬并牂牁後漢書云夜郎東接

交趾其地在胡南其君長本出於竹以竹而為姓 也○正義曰今瀘州南大江西南岸州曲州本夜

郎其西靡莫之屬 正義曰在蜀南以下及西也靡 國其西靡莫之屬 莫在姚州北去京西南四千九

百三十五里以什數 滇最大 出其國也○索隱曰 靡莫夷邑名滇與同姓也崔浩云滇後為縣屬

越嵩太守所理也○正義曰昆州郎州等本滇國 去京西五千三百七十里也 自滇以北君長以什數 邛都最大

此皆黠結耕田有邑聚 索隱曰黠漢書作樵 其外 西自同師以東 韋昭曰邑名也○索隱曰 北至樸榆 昭

日在益州樸音葉○正義曰上音樸樸澤在靡北 百餘里漢樸榆縣在澤其益都靡非本桑榆生屬

校字訓點 史記卷一百一十六 西南夷

澤其作靡西靡非作靡生作王

桑榆即樛耳音異

注華陽國志下宜有云字

本文言由齋則別是齋一莊非莊王弟

或云常疑人名

此諸國當此國文國中脫諸字也

按以上連用以行數三字最大二字而以此皆句結之

國名為雋昆明。徐廣曰永昌有雋唐縣。○索隱曰州縣。正義曰雋音龍。今澧州也。昆國名。韋昭云益明雋州縣。益南接昆明之地。因名也。皆編髮隨畜遷徙。正義曰編步典反。畜許母常處。毋君長。地方可數千里。自雋以東北。君長以什數。徙徠都最大。徐廣曰徙在漢嘉徠音昨在越雋。○索隱曰服虔云徙徠二國名。韋昭云徙縣在蜀徠縣在越雋。○正義曰徙音斯。括地志云徠州本西蜀徠外曰徠。名。邛徠山故自徠以東北。君長以什數。冉駹最大。邛人徠人界。索隱曰案應劭云汶江郡本冉駹音亾江反。○正義曰括地志云蜀西徠外羌茂州冉州本冉駹國地也。後漢書云冉駹其山有部落也。其俗或土著或移徙。六夷七羌九蠻各有部落也。在蜀之西。自冉駹以東北。君長以什數。白馬最大。索隱曰案庚邑名。即白馬氏也。○正義曰括地志云隴右成州武州皆白馬氏其豪族楊氏居成州仇池皆氏類也。此皆巴蜀西南外蠻夷也。始楚威

王時使將軍莊躋將兵循江上。正義曰躋其畧反

所畧巴蜀黔中以西莊躋者故楚莊王苗裔也。索隱曰

曰躋音矩灼反楚躋至滇池地方三百里。索隱曰

莊王弟為盜者。而更淺狹有似倒流故謂滇池。○正義曰括地志

云滇池澤在昆州晉寧縣西南三十里其旁平地

水源深廣而更淺狹有似倒流故謂滇池。肥饒數千里以兵威定屬楚欲歸報會秦擊奪楚

巴黔中郡道塞不通因還以其眾王滇變服從其

俗以長之秦時常頽案音畧通五尺道。索隱曰謂棧

正義曰括地志云五尺道在郎州顏師古云諸此

其處險阨故道纔廣五尺如淳云道廣五尺諸此

國頗置吏焉十餘歲秦滅及漢興皆棄此國而開

蜀故徼巴蜀民或竊出商賈取其徠馬棘僅髦牛。正義曰今益州南戎以此巴蜀殷富。索隱曰韋昭

王整曰叙事精到

增王世貞曰按鄭樵云拘醬曰浮留

交律制

史記卷一百一十五西南夷

二

筍棘
鬚三
國名

顏注
不長
疑倒

牂牁
當作
牂牁

劉涪林蜀都賦註
緣木而生其子如
桑椹熟時正青以
蜜藏而食之辛香
生巴蜀嶺南司馬
相如使蜀而求之
也其狀似草撥故
有土草撥之號今
嶺南人俱取其葉
及藤合攪椰食之
謂之蒸而不用其
實及攷西南夷傳
南越食唐蒙狗醬
諸家註各不同姑
闕之

晉蒲北反服虔云
建元六年大行王恢擊東越東
越殺王郢以報恢因兵威使番陽令唐蒙風指曉
南越正義曰南越食蒙蜀狗醬徐廣曰狗一音
義曰狗木似穀樹其葉如桑葉用其葉作醬酢美
蜀人以爲珍味○索隱曰案晉灼狗音矩劉德云
狗樹如桑其椹長二三寸味酢取其實以爲醬美
小顏云狗者綠木而生非樹也今蜀士家出狗實
不長二三寸味辛似薑不酢劉說非也廣蒙問所
志云狗色黑味辛下氣消穀寔音求羽反蒙問所
從來曰道西北牂牁江廣數里正義曰崔浩
牂也常氏華陽國志云楚頃襄王時遣莊驍伐夜
郎軍至且蘭採船於岸而步戰既滅夜郎以且蘭
有採船處仍出番禺城下蒙歸至長安問蜀賈
改其名爲牂牁出番禺城下蒙歸至長安問蜀賈
人賈人曰獨蜀出狗醬多持竊出市夜郎夜郎者
臨牂牁江江廣百餘步足以行船南越以財物役
屬夜郎西至同師然亦不能臣使也蒙乃上書說

郎中
將中
郎中

經由
之義

崔浩
注復

地理
志下
宜有
云字

茅坤曰唐蒙亦奇士

○唐惟修曰司馬相如喻巴蜀檄即其事

上曰南越王黃屋左纛地東西萬餘里名爲外臣
實一州王也今以長沙豫章往水道多絕難行竊
聞夜郎所有精兵可得十餘萬浮船牂牁江出其
不意此制越一奇也誠以漢之疆巴蜀之饒通夜
郎道爲置吏易甚上許之乃拜蒙爲郎中將將千
人食重萬餘人索隱曰案食糧及輜從巴蜀徭關
入遂見夜郎侯多同蒙厚賜喻以威德約爲置吏
使其子爲令夜郎旁小邑皆貪漢繒帛以爲漢道
險終不能有也乃且聽蒙約還報乃以爲犍爲郡
發巴蜀卒治道自犍道指牂牁江索隱曰崔浩云
爲地名道猶從也地理志夜郎又有豚蜀人司馬
水東至南海四會入海此牂牁江也
相如亦言西夷邛笮可置郡使相如以郎中將往

校字訓點

史記卷一百一十四西南夷

二

茅坤曰張騫之求身毒不得要領

喻皆如南夷為置一都尉十餘縣屬蜀當是時巴蜀四郡徐廣曰漢中巴郡廣漢蜀郡通西南夷道戍轉相饜數歲道不通士罷餓離濕死者甚眾西南夷又數反發兵與擊耗費無功上患之使公孫弘往視問焉還對言其不便及弘為御史大夫是時方築朔方以據河逐胡弘因數言西南夷害可且罷專力事匈奴上罷西夷獨置南夷夜郎兩縣一都尉徐廣曰元光六年南夷始置郵亭稍令犍為自葆就正義曰今犍為自葆守而漸修成其郡縣及元狩元年博望侯張騫使大夏來言居大夏時見蜀布邛竹杖常昭曰邛縣之竹屬蜀贊曰邛山各此竹節高實中可作使問所從來曰從東南身毒國徐廣曰字或作秋毒史記一本作乾毒駟案漢書音義曰一名天竺二則浮屠胡是也○索隱曰身音捐毒音篤小顏亦

曰捐篤也可數千里得蜀賈人而或聞邛西可二千里有身毒國騫因盛言大夏在漢西南慕中國患匈奴隔其道誠通蜀身毒國道便近有利無害於是天子乃令王然于柏始昌呂越人等使間出西夷西指求身毒國至滇滇王嘗羗乃留徐廣曰嘗為求道西十餘輩歲餘皆閉昆明如淳曰為昆明所明在今嵩州南昆縣莫能通身毒國滇王與漢使者言曰漢孰與我大及夜郎侯亦然以道不通故各自以為一州主不知漢廣大使者還因盛言滇大國足事親附天子注意焉及至南越反上使馳義侯因犍為發南夷兵且蘭君恐遠行旁國虜其老弱索隱曰且音于餘反小國名乃與其眾反殺使者及犍為大也後為縣屬犍牂牁

王維楨曰以下文常隔滇道者也觀之恐非且蘭也

掌擊之嘗漢書作當擊破之不作下有中郎將昌衛廣七郎字無即字

茅坤曰八校尉擊南越後始得併定西南諸夷

守漢乃發巴蜀罪人嘗擊南越者八校尉擊破之會越已破漢八校尉不下即引兵還行誅頭蘭日即且頭蘭常隔滇道者也已平頭蘭遂平南夷為牂牁郡夜郎侯始倚南越南越已滅會還誅反者夜郎遂入朝上以為夜郎王南越破後及漢誅且蘭印君并殺笮侯冉駹皆振恐請臣置吏乃以印都為越雋郡笮都為沈犁郡冉駹為汶山郡日今蜀廣漢西白馬為武都郡上使王然于以越破及誅南夷兵威風喻滇王入朝滇王者其衆數萬人其笮東北有勞漫靡莫皆同姓相扶未肯聽勞漫靡莫數侵犯使者吏卒元封二年天子發巴蜀兵擊滅勞漫靡莫索隱曰二國與滇王同姓以兵臨滇滇王

漢書作離西夷無難字南

按漢書無難字師古云離西南言東向事漢也

二宜讀宜連二宜讀宜連

王維楨曰于番禺見拘醬于大夏見印竹杖而文法錯綜如此

注遂割下疑脫少字

始首善以故弗誅滇王離難西南夷舉國降請置吏入朝於是以為益州郡賜滇王王印復長其民西南夷君長以百數獨夜郎滇受王印滇小邑最寵焉太史公曰楚之先豈有天祿哉在周為文王師封楚及周之衰地稱五千里秦滅諸侯唯楚苗裔尚有滇王漢誅西南夷國多滅矣唯滇復為寵王然南夷之端見枸醬番禺大夏杖印竹西夷後掬剽分一方史記音義曰掬音翦○索隱曰掬謂被分居西南二方各屬郡縣剽亦分義卒為七郡嵩益州武都沈犁汶山地

索隱述贊曰西南外徼莊躋首通漢因大夏乃命唐蒙勞漫靡莫異俗殊風夜郎鼠大功效稱

抄上言集

雄及置郡縣
萬代推功

史記評林卷之百十六

Faded vertical text columns within a rectangular border, likely bleed-through from the reverse side of the page.

